



UPA 2026/26

22/4-2026

Napaartoq Isak Petrussen

**Uunga siunnersuut: Tuniniaanissamik nittarsaassisarneq aamma nalunaaqutsersuisarneq pillugu Inatsisartut Inatsisaata allanngortinneqarnissaa pillugu Inatsisartut Inatsisaata allanngortinnissaa pillugu Inatsisartut inatsisaat (Tuniniaanissamik nittarsaassisarnermut inatsit) (Toqqaannanngitsumik ussassaarutit, influencer-it 15-it inorlugit ukiulinnut inerteqqutit, ukiukinnerusunut tuniniaanissamik nittarsaassinerit, taarsigassarsisitsinernit tuniniaanissamik nittarsaassinerit, atuisartoqarnermut tungasumik oqartussat oqartussaassuseqarfiat, kinaassutsimik isertuussilluni saaffiginnissutit, akiliisitsinissamut suliat il. il.)**

(Nunanut Allanut, Inuutissarsiutinut Aatsitassanullu Naalackersuisoq)

(Siullermeerineq)

Naalackersuisut siunnersuutaanut qjanaq.

Nittarsaassineq ulluinnarni inituneruleralluttuinnartillugu inunnik, pingaartumillu meeqqanik aamma inuusuttunik illersuinissamik, inatsisissatut siunnersuut manna tungaviusumik tungassuteqarpoq.

Meeqqat, inuusuttullu paasinngisaminnik sunnertinneqannginnissaat Demokraatinut aalajangiisuvoq. Ullumikkut nittarsaassinerni inuttut, niuernerullu akornanni killissat killileruminaattarlutik, nittarsaassisarnerit nittartakkatigut inuit naapittarfiisigut annermik pisarput. Tamanna pillugu illersuineq annertusiumallugu malittarisassat sakkortusineqarnissaat naleqqullunilu pisariaqarpoq.

Taarsigassarsisinnaanerup nittarsaanneqartarnera eqqarsaatigalugu taamatulli ippoq. Akisuumik taarsigassarsinissamut ajornaatsumik periarfissaqarneq ataasiakkaanut annertuumik kinguneqarsinnaavoq, taamaattumillu ersarissunik killiliinissaq pingaaruteqarluni. Ilutigisaanik tusarniaanermi akissuteqaatini ernumaatigineqartut tusaaniassallugit aamma pingaaruteqarpoq.

Tusarniaaffigineqartut arlallit oqaatigaat inatsit timersortartunut, kulturimillu ingerlatsisunut aningaasaliisarnernut ajortumik kinguneqassanngitsoq. Ullutsinni aningaaseriviit soorlu GrønlandsBANKEN aamma Bankivik timersornernut, kulturimullu annertuumik tapersiissuteqartarput.

Tamanna pillugu inatsit tungavimmuut tassunga ajorseriartitsinnginnissaa, ataatsimiititaliamit eqqumaffigineqarnissaa aalajangiisuvoq. Meeqqat aamma inuusuttut illersussavagut, kisiannili aamma ataatsimoornerit toqqissisimanermik, atugarissaarnermik, ataatsimoornermillu pilersitsisut ilutigisaanik ajorseriartissanngilagut.

Oqimaatigiissitsinissaq Demokraatinut pingaaruteqarpoq. Atuisunik illersuilluarneq aamma inuussutissarsiorfinnut, inuiaqatigiinnullu akisussaassuseqartumik, allanngujaatsunillu

UPA 2026/26

J.nr 00.00.00/26FM-LABU-00026

Qupp.1



sinaakkuteqartitsineq ingiaqatigiissapput.

Demokraatit siunnersuummut isumalluarput, siunnersuutilu Inuussutissarsiornermut Aatsitassanullu Ataatsimiititaliami nangillugu oqaluuserineqarnissaa innersuussutigalugu.